

Osilá komituna mpo na nini Nzambe asalelaki *maloba ya ebele* (plural) tango azalaki kokela moto, kasi te *maloba ya moto moko* (singular) ndenge asalelaki na bikelamu mosusu?

Ebandeli 1:26-27 (Mokanda na Bomoi)

26 Nzambe alobaki: “Tosala moto na elilingi na biso, na lolenge na biso, mpo ete akoka koyangela mbisi ya mbu, bandeke ya likolo, banyama, mabele mobimba mpe bikelamu nyonso oyo etambolaka na mabele.”

27 Boye Nzambe akelaki moto na elilingi na ye; akelaki ye na elilingi ya Nzambe; akelaki bango mobali mpe mwasi.

Mpo na nini alobi: *“Tosala moto na elilingi na biso,”* kasi te *“nasala moto”*? Yango ezali kolakisa ezaleli ya Nzambe moko—azali te moto ya komizanga, kasi azali Nzambe ya lisanga mpe boyokani. Ezaleli na ye ezali ya bomoko mpe kosangana.

Yango ezali kolakisa ete biso mpe tozali mbuma ya boyokani mpe lisanga. Mpe na nzela moko yango, tokoki mpe kokola mpe kobota mbuma. Ata mpo na kobota moto, esalemaka te na moto moko kaka. Esengeli mobali ná mwasi bakutana, moko na moko apesa oyo azali na yango, mpe na suka babotaka mwana oyo azali lokola bango. Yango ezali

mobeko ya bomoi—kozala na biso euti na lisanga ya bato mibale.

Ndenge moko mpe, na bokoli mpe na elonga na biso. Soki tolingi ete likambo moko elongama, esengeli tondima lisungi ya basusu. Moto moko akoki te kosala makambo nyonso ye moko. Bokoli ya molimo esengeli lisanga ya bandimi (lingomba). Tango ozali elongo na bandeko mosusu—ezala mibale, misato to mingi—okokola mpe okolendisama. Kasi soki omisololi yo moko, bokoli ya solo ekozala te.

Na makambo nyonso ya bomoi—ezala ya nzoto to ya molimo—bato oyo balongaka bazali baoyo bafungolaka mitema mpo na basusu. Bandimaka kosalisama, bakotisama na boyokani, bamikitisa, bandimaka koteyama, kopesama toli mpe kosungama. Na nzela yango, bakolaka mpe na suka balongaka. Elonga ya solo ya kati—esengo, kimia mpe bopemi ya motema—eutaka na boyokani malamumu na basusu, kati na lisanga ya Molimo Mosantu.

Moto ya kokoka aponaka kozala na boyokani na basusu. Banda lelo, kozanga kotala boyokani lokola likambo ya pamba. Tia moboko na yo malamumu, mpe luka na makasi nyonso kozala na kimia na bato nyonso.

Ba-Ebre 12:14 (Mokanda na Bomoi)

“Boluka kozala na kimia na bato nyonso mpe bomoi ya bosantu, pamba te soki yango ezali te, moto moko te akomona Nkolo.”

Share on:
WhatsApp

Print this post